



La formaziun «kontra.cant» ha la finamira da realisar divers projects da musica, seigi quei en la formaziun d'ensemble («kontra.cant – igl ensemble») ni era cun ina formaziun pli gronda.

MAD

In onn cun Alfons Tuor

Poesias d'Alfons Tuor en musica da Flavio Bundi

■ (cp) Ils davos dus onns ha Flavio Bundi, oriunds da Glion, cumponiu differents poesias dil renomau poet romontsch Alfons Tuor. Questa stad ha il chor «kontra.cant» exercitau las 12 canzuns durant treis fins d'jamna. La premaidaziun da quell'ovras succeda sut la direcziun da Flavio Bundi cun treis concerts il settember. Tut quell'composiziun ein era vegnida recepida sin in disc compact. Responsabels per quella lavur ei il futur tecnicist dil tun Casper Montalta da Morissen staus. Quei emprend portatun dalla formaziun «kontra.cant» ei vegniu realisau en collaburaziun cun Radiotelevisiun Svizra Rumantscha (RTR).

kontra.cant – la formaziun

Igl ensemble «kontra.cant» ei vegniu fundau igl atun 2012 per la realisaziun dalla retscha da concerts da Nadal «cant da Nadal». Quella formaziun ha la finamira da realisar divers projects da musi-

ca, seigi quei en la formaziun d'ensemble («kontra.cant – igl ensemble») ni era cun ina formaziun pli gronda («kontra.cant – il chor»).

Il chor «kontra.cant» per il project «in onn cun Alfons Tuor» consista da giuvenils e da quels ch'ei restai giuvens ord igl entir intschess dil cantun Grischun, oravontut dalla Surselva. Biaras e biars dallas cantaduras e dils cantadurs fan era part d'auters chors da giuvenils (Chor da giuvenils Grischun, Chor da giuvenils Surselva), da chors da baselgia e dad autras formaziuns (Cantus Firmus Surselva).

Sco quei ch'igl ei gia succedi cun caschun dils concerts da Nadal vegn igl anteriur scol dalla claustra da Mustér Niklaus von Arb dad Olten era a dar cun siu cello ina tempru tut speciala al project «In onn cun Alfons Tuor». Ensem cun Flavio Bundi al clavazin vegn Niklaus von Arb ad interpretar entginas ovras denter las parts cun las canzuns.

«kontra.cant» Alfons Tuor – il poet

Alfons tuor ei naschius ils 17 da schaner 1871 a Rabius ed ei morts leu ils 19 da mars 1904. El ha studegiu litteratura a Turitg, Paris e Friburg ed ha instruiu denter auter a Stäfa (Turitg) ed a Winslow (Buckinghamshire en Engheltiara). Tuor ha suffriu gia baul da dolurs cronicas ed ha stuiu sesuttametter a pliras operaziuns dils caluns ch'han denton buca purtau grond levigament. Ils onns 1891–1901 ein siat collecziuns da poesias romontschas d'Alfons Tuor cumparidas. En la medema perioda ha el publicau plirs dramas historics e cumedias (sociocriticas) tenor Molière (p. ex. «il ravvè», 1895), ovras che eran fetg popularas a siu temps. Sias ulteriuras publicaziuns cumpeglian lavurs scientificas e translaziuns. Sia malsogna ha fatg dad el in poet dalla suffrientscha, encarschadetgna e resignaziun. Biaras da sias poesias ein vegnidas messas en musica, sco per ex. «allas steilas» (Duri Sialm, Tu-

masch Dolf), «egl jester» (Giusep Maisen), «agl emigrant» (Conrad Bertogg; Gion Antoni Derungs) ed «a tgalavaina» (Georgius Schmid von Grüneck; Hans Erni).

Flavio Bundi – direcziun e cumponist

Flavio Bundi ei naschius ils 8 d'avrel 1987 a Glion. Suententer la matura alla scola claustrala a Mustér eis el staus quater onns en la Guardia papala svizra a Roma. Dapi igl atun 2011 studegia el germanistica e scienzias da medias e comunicaziun all'Universitad da Berna. La musica ei sia gronda pissiun sco cantadur, pianist, organist ed era sco cumponist. Per la retscha da concerts «cant da Nadal» ha el fundau igl atun 2012 igl ensemble kontra.cant.

Ils concerts ein venderdis, ils 20 da settember allas 20.00 ella baselgia catolica Laax, la sonda, ils 21 da settember allas 20.00 ella baselgia catolica Trun e la dumengia, ils 22 da settember allas 17.00 a Pleif Vella.

Sesida campestra dil cussegl da vischnaunca

Autoritads communalas da Domat sin viseta a Brinzauls

■ La sesida campestra dil parlament communal da Domat ha menau uonn a Brinzauls damai che la vischnaunca sulegliva en Val Alvra ei il liug da burghais dalla «pli aulta da Domat» Silvia Bisculm Jörg. Il president communal Rico Liesch e siu team han giu plascher dalla vista dallas autoritads communalas da Domat ed han intermediu ina zun interessanta investa ellas bellezias ed els quitaus d'ina vischnaunca pintga. Quei che pertuca il sulegl vegn Brinzauls directamein puppergnas ed ei perquei era vegniu distinguiu 1991 cul Premi solar ch'ei vegniu surdaus persunalmein lezza gada da cusseglier federal Adolf Ogi.

Terren en moviment sco sfida

Il liug da dieta ha differents atgnadads cun Domat. Per exempel in num biling tudestg/romontsch, ch'ei denton vegniu introduciu a Brinzauls per igl onn 1997. A Domat ed a Mustér ed en engins auters loghens pli gronds ei quei schabegiau paucs onns suenter 1938 en connex culla renconuschientscha dil romontsch sco quart lungatg naziunal. Fertun che Domat ha da sbatter actualmein culla bova dalla Val Purchera ha Brinzauls da sbatter cun quitaus pli seriis en connex cul moviment da terren. Confruntaus vegn il vitg silla terrassa sulegliva sut ina preit-crap cun curdadas da crappa e cun in intschess ch'ei adina empau en moviment e caschuna magari

problems. Il president communal ha illustrau la vasta survigilanza dil moviment da terren cun in sistem d'alarm prematur che vegn controllaus digl Uffeci cantunal per ual e forzas dalla natira. Il canzlist communal Wendelin Parpan ha presentau a moda cumpetenta ils scasis culturals dil liug culla fracziun da Vazerol che vegneva era numada pli baul «Rütli grischun» nua ch'ils representants dallas Treis Ligias duevan – tenor ina tradiziun empau dipiteivla – seradunar antruras. In monument a Vazerol – sco era in pli grond a Cuera – regordan a quella tradiziun historica. Economicamein

vegni il vitg da 140 habitonts a sentir las consequenzas dolorusas dalla iniziativa davart las habitaziuns secundaras.

Ruina dil casti da Belfort e via culturala

Brinzauls metta grondas speronzas sil turissem. Proximamein duei la nova via culturala cun sculpturas digl artist Roman Plaz, che vegnan installadas all'entrada dil vitg, realisada. Il punct culminont dalla viseta dils politichers communalas da Domat ei bein l'ascensiu viers la ruina restaurada dil casti da Belfort stada. Igl ei in artefici marcant ch'ei vegniu realisau a

sias uras da Donat da Vaz – in adversari potent digl uestg da Cuera – sco fortezia. Per conclusiun dalla dieta ein ils politichers communalas serendi viers Savognin nua ch'el directur da turissem Adrian Bühlmann ha declarau las finamiras e la strategia avon ch'ils parlamentarists serendien culla sutgera si Tigignas. Da leu anora ein els allura carrai spectacular culs rulladers da downhill – tgi a moda rasanta e tgi a moda pli precauta – anavos a Savognin. Ils politichers han aschia saviu demonstrar ina gada dapli che els ein habels da surventscher fetg bein tuts incaps e dar damogn a tuttas sfidas. Claudio Willi/mc



Sco punct culminont da lur dieta campestra a Brinzauls han ils politichers communalas visitau la ruina dil Casti da Belfort.

MAD

■ BALLAPEI

Remis denter Val e Danis-Tavanasa

(anr/hh) Muort la dumengia da Rogaziun federala han mo paucs giugs da campinadi giug liug la fin d'jamna. Ella gruppa 2 dalla 4. ligia han Val S. Pieder e Danis-Tavanasa partiu ils puncts aschia che l'equipa dalla Cadi ei s'avanzada sil secund plaz dalla tabella. Alla testa dalla tabella sesanfla vinavon Trun/Rabius cun treis victorias ed in remis. Ella gruppa 1 dalla 5. ligia ha Rueun gudignau ordeiver encunter Lumnezia cun 0:2. Cun quei success ascenda Rueun sil tierz rang dalla tabella.

4. ligia, gruppa 2

Val – Danis-Tavanasa 2:2

1. Trun/Rabius	4	3	1	0	13:	4	10
2. Danis-Tavanasa	4	2	1	1	6:	5	7
3. Trübbach	4	2	1	1	10:	8	7
4. Taminatal	4	2	0	2	3:	7	6
5. Sargans II	3	1	2	0	9:	7	5
6. Val	4	1	2	1	8:	7	5
7. Sevelen II	3	1	1	1	6:	8	4
8. Lumnezia	3	1	1	1	5:	4	4
9. Flums 1a	4	1	1	2	10:	10	4
10. Mels II	3	1	0	2	5:	8	3
11. Panaduz 1b	4	0	0	4	4:	11	0

5. ligia, gruppa 1

Lumnezia – Rueun 0:2

1. Sedrun/Mustér	4	3	0	1	15:	6	9
2. Trun/Rabius II	4	2	2	0	9:	3	8
3. Rueun	3	2	1	0	11:	6	7
4. Bogn Ragaz II	3	2	1	0	11:	4	7
5. Union Trin	3	1	1	1	7:	8	4
6. Lumnezia II	4	1	1	2	3:	6	4
7. Danis/Tavanasa	3	0	2	1	5:	6	2
8. Vaz-sut II	3	2	0	1	4:	5	2
9. Schluein Glion	3	0	2	1	5:	7	2
10. Laax	4	0	0	4	4:	23	0

Juniors A2, gruppa 1

Domat – Balzers 3:1
Grabs – Surselva 2:4

Juniors B2, gruppa 1

Panaduz – Lai/Valbella 2:7
Surselva – Domat 7:0
Tavau – Team Cadi 2:1
Schlarigna – Balzers 3:2

Juniors C1, gruppa 1

Montlingen – Au/Berneck 2:3
Surselva – Altstätten 6:6
Flums – Diepoldsau/Schmitter 1:9
Domat – Schlarigna 3:1

Juniors D9 elita, gruppa 1

Widnau – Glarnerland 0:3
Surselva – Cuera 97 0:3
Grischun – Landquart 8:0
Vaduz – Uznach 4:0

Seniors meister, gruppa 1

Domat – Tusaun/Czasas 5:1
Surselva – Panaduz 2:4
Ruggell – Cuera 97 2:3

Placi a Spescha a Trun

■ (rtr) Pader Placi a Spescha è stà en il center da la sentupada culturala da dumengia passada a Trun. Il pader curius, sco el vegniva magari era numnà, vala sco vair piunier, sco ina persuna fitg multifara che fascinescha anc oz, 180 onns suenter sia mort. Da ses temp na vegniva el dentant betg adina chapì e renconuschì. A Trun è Pader Placi a Spescha creschì si, ed a Trun è el lura era mort. Durant sia vita ha el perscrutà. El vala tar nus sco in dals emprims che ha vult ascender ils culms e la pizza e guardar da surengiu sin las vals e valladas. E tut sias excursiuns ha el nudà sin cartas geograficas. Pader Placi a Spescha era alpinist, geograf, linguist e perscrutader da la natira.

Aenziun cun auto electric

■ (rtr) Depona in giast da vacanzas sia clav da l'auto per almain trais dis astga el ir questa stat in di gratuitamein cun il Renault Twizy, in auto electric che stat questa stad avant ils biros da Sedrun Mustér Turissem, a Mustér sco er a Sedrun. Ils dus autos Renault Twizy ha la Garascha Bayer da Cuera mess a disposiziun.